


徐仙真錄卷之二



徐仙真錄卷之二



戶二

真君瓊科

入壇 人各序立存神閉氣叩齒

九通咽液九過步虛

太極分高厚輕清上屬天人能修正道

身乃作真仙行溢三千數時丁四萬生

丹臺開寶笈金口為流傳



祝香

爐焚宝炷煙散瑤空結為雲臺粧成法  
界恭焚道香德香無為香無為清淨香

清淨自然香妙洞真香靈寶惠香超三  
界香三景真香滿瓊樓玉殿遍周天法  
界以今恭焚寶香虔誠供養

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪

恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

聖父齊王忠武翊亮真君聖母田氏仁

齋淑善仙妃聖兄唐王洪王鄂王廣陵  
王聖舅護國公奉國公聖婿武安侯寧  
國侯聖子保大侯彰信侯保信侯保寧  
侯武寧侯聖姪昭德侯安定侯太寧侯  
聖孫武昌侯南昌侯列位公卿

上清大洞經籙天機院天樞院雷霆省天  
文院天祿院地府諸司承行官將驅邪  
投崇傳符勅法消災度厄逐凶辟怪監  
壇護法觀察巡捕將軍太歲尊神十二  
月將弟子本命元辰星官風雷雨部仙

衆左右丞相太宰六部尚侍內府公卿  
左右注生注壽上宰左右司祿司福上  
宰左右侍從通事舍人百官庶司所屬  
曹僚列位公卿左右福祿司所屬二十  
四曹官左右引進仙官三天貝闕崇仁  
戶二  
養正英仙敷靈弘濟真人靈威清江尊  
王永安留守查元帥武安留守邊元帥  
節度使左監門魏元帥都統軍使右監  
門趙元帥都監軍使先鋒刁元帥各及  
部下精兵猛士左右岳許二元帥左右

行宮侍御從官司祿司勳司士司書列  
位曹僚司農司稼典絲掌葛列位曹僚  
司市掌貨考工飭材列位曹僚厨官優  
官伶官天捷神捷人捷掌上掌籤掌杯  
掌鸞傳夢童子神局節級直殿直符香

官使者諸仙壇越施主才德名賢本宮  
土地正神諸里諸廟王侯弟子各人奉  
祀神祇靈濟宮合殿威靈仗此真香普  
同供養香乃玉英散景紫氣凝煙香雲  
密羅迺充九天當願金童侍香傳言散

花玉女上聞真前所啓所願咸賜如言  
入意以今開壇啓白伏願真慈俯賜昭  
鑑稽首皈依無極大道

唱道

道場衆等人各運心皈命三宝一切念

戶二

三

華夏三匠

淨壇

至真惟淨難臨穢濁之鄉塵境未清曷  
啓玄元之範須洒一枝之泔水頓消萬  
里之妖氛九鳳翱翔吐焰煙而破穢五

龍奮迅降真炁以除邪庶俾皈依悉臻  
咸應太上玄言謹當持誦 洞中玄

虛云云

攝魔屏穢天尊

舉步虛

曰五帥

至帥前上香云云

伏以大而化之之謂聖聖而不可知之  
之謂神至聖無為固以虛而善應敬神  
如在凡有感以皆通既能所存者誠當  
知厥鑑不遠恭惟  
查邊魏趙刀五大无帥位尊五帥勇冠



三軍舞干羽于兩堦受鉞斧之大柄出  
將入相兼全文武之材輔國安民獨任  
君民之寄雖雖在宮肅肅在廟赫赫厥  
聲濯濯厥靈妙矣難言藏諸不怒舉皆  
燕趙之奇士當如廉藺之交歡惟一惟

和是信是使梯山航海不遠千里而來  
駕霧騰空徑御九天之上今辰修設酌  
恩祈福道場今則壇場潔淨科典將宣  
稽首投誠一心向道將欲請迎  
真駕必須俯露衷忱特憑无帥以通傳

恭願

至真而降格大捨慈悲之願允俞關白  
之情虔誠投拜

舉 按人各恭敬

舉 三

上香

戶二

四

志心初捻上香香至靈濟宮遍靈濟宮  
聖境成雲盖供養

聖父齊王忠武翊亮真君

志心二捻上香香至靈濟宮遍靈濟宮  
真境成寶盖供養

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪

恩真君

志心三捻上香香至靈濟宮遍靈濟宮  
仙境成華蓋供養

九天王闕宣化扶教上仙昭靈博濟高明  
弘靜冲湛妙應仁惠輔國佑民隆福洪  
恩真君

跪爐

道由心學 心假香傳 手執玉爐

心存九天

真君下眇

仙珮臨軒

所令關啓

徑達九天

舉

各禮真人存念如法

宣

五星咒

五星列照

煥明五方

水星却灾

戶二

五

木德致昌

熒惑消禍

太白辟兵

鎮星四據

家國利亨

刊名玉簡

錄字帝房

乘颺扇景

飛騰太空

出入冥無

遊宴十方

五雲浮蓋

招神攝風

役使萬靈和

上衛仙翁



舉 鳴泐鼓二十四通



發爐

太上五靈老君召出臣等身中三五功  
曹左右香官使者侍香金童傳言散花  
玉女直日香官功曹使者三炁正神速

上關啓

查邊魏趙刁五大元帥岳許二元帥天  
丁力士左右神官臣今陞壇泐事謹奉  
為入意修設酌恩祈福道壇其諸誠懇具  
載詞狀文以今泐事願得正真生氣流

入臣等身中令臣所啓之言速達

無上三寶天君

九天金闕明道達德六仙顯靈溥濟清微  
洞玄冲虛妙感慈惠護國庇民崇福洪  
恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

聖前一

具位某與壇官衆等同誠上啓



九天金闕聖位同前

伏以勾龍能土柱能穀乃與社稷之祠  
周人尚臭商尚聲以通神明之德豈犧  
牲特為之血食然蘋蘩可薦於王公聖  
而不知是謂之神神而能名乃入於聖  
恭惟

戶

六

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪  
恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

正直為德禍福動人潛地而地潛天而  
天莫測威靈之妙曰暘而暘曰雨而雨  
歎專造化之權赫赫厥聲洋洋如在上  
佐斗真於北極默參玄學於東華與道

合真惟神是守名登

金闕榮頒三四字之封職燦寶御頗稱三千  
行之數隨梳赴感發誓度人既蒙覆育

之恩敢昧祈禳之典恭遇

法駕來降道場或服仙珮之蹌蹌八鸞後唱



或衣朝衣之濟濟百騎前迎上下仙眷  
之森羅左右靈官之擁衛迎真非禮德  
鑑芹忱無任勤拳之至謹稽首再拜奉

迎真馭

請聖

謹上請

戶二

七

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪  
恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君 聖位同前伏望

真慈降臨壇所

向來奉請已沐降臨請序仙班咸分列  
坐醮官虔誠設拜上香酒陳初獻 舉  
散花

具位某同誠上啓 聖位同前

恭聞仁義著稱枝葉分偃王之裔忠武  
不屈簪纓龍齊國之封仁聲肇著於閩  
中德譽遠聞於海宇勒名鐘鼎立傳史  
書出成於峽江之南吏民之按堵如故

立幟於鰲峰之上盜賊之餘黨剷除頓  
令福地之安均荷堯天之賜恩敢忘於  
結草詩可詠於甘棠死廟食生可封可  
謂至矣泐施民勞定國于今稱之昔焉  
草木效公山之靈今也田疇息洪水之  
害民船激石果聞黃旗救援之聲隣火  
反風永無曲突焦爛之患嘉定之蝗虫  
不入境寶慶之旱魃不為災紅蛇現而  
雨沛九天神龍出而雷轟萬里無迹可  
見夜何現於天燈無聲可聞日何聞於

絲竹事迄千年留石碣主封累代侈金  
書致士民千里以來歸宜香火四時而  
夤奉惟德是輔豈徒黍稷之馨非類不  
歆特重梁盛之潔建功積善執戒脩齋  
若非上格於天心何以超昇於仙秩欽

戶二

八

承

帝命仰沐玄風特畫金闕玉闕之名頒降大  
仙上僊之號道吾道也德吾德也化神  
化之教神教之不惟誇一時而榮一身  
抑六光乃前而振乃後親睦有教燕喜

有堂上瞻

聖父聖母之尊嚴下列聖子聖孫之富  
貴聖舅名登於紫府聖兄廟食於金陵  
神后夫人專掌注生之籍聖妃仙嬪環  
居內侍之班或分福祿之司或任公卿  
之職權尊五帥勇冠三軍乃武乃文在  
左在右廟鎮七閩之地其盛茂以加諸  
德參五嶽之靈非至聖孰能與此功高  
名席德被九流賴  
神之庇遺我以安一飲一啄初不敢忘

三沐三薰敬之如在祗迎寶馭少鑑  
人齋事之勤爰集羽流敢獻碧落空歌  
之瑞臣等百拜恭祝

當今皇帝億載萬年為父母保子姓以安全

千祿百福宜

戶二

九

君王卑

皇圖而永久所有疏文謹當宣獻

四

宣疏

按如疏文已具敷宣伏冀 仙慈俯垂  
省覽捍患禦灾禮特嚴於祀典報功崇

德職宜進於仙階薦膺

金闕之緹書榮侍

玉皇之香案二氣吐納深究出青入玄之  
方七液周流有得抱黃回紫之妙在身  
為獨善之美於人施兼濟之功所感必  
通有求必應救民疾苦何須扁鵲之書  
卜地陰陽默授景純之學問婚者宜家  
宜室所嗣者生子生孫求仕者勸之以  
勤孝立身行商者告之以仁義為利農  
力於穡工精其能遠者悅而近者來歲

諸仁而顯諸用皈心向道皆蒙啓迪之  
恩戴白垂髻俱托帡幪之庇今辰  
修設酌恩祈福道場再祝名香迓真  
遊之降格重行清酌祈法駕以來臨  
伏願

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪  
恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪



恩真君福祿來備享  
廡食於無窮華夏  
肅清翊

皇圖於永久虔誠設拜  
上香酒陳亞獻

舉散花

具位某與壇官衆等同誠上啓  
聖位如

上

十

伏聞一片羅池碑終古難磨其英氣千  
年東華洞至今孰紹其真風洪惟守土  
之神積此彌天之行骨像合仙於廣惠  
文章並駕於柳侯若非星宿之儲精必  
也山川之孕秀有詩歌賦誦之可述須

嚴大書特書至於屢書言吉凶禍福以  
無差未免初瀆再瀆煩垂三瀆灼見顯  
幽之理預明倚伏之機貌重而威畏之  
如嚴霜烈日道高且遠仰之如北斗泰  
山盛德昭昭

神靈剡剡今辰

修設酌恩祈福道場伏願三光平而寒  
暑時五穀熟而人民育物無疵癘國有  
禎祥凡屬生成率歸大道虔誠設拜上  
香酒陳終獻 散花 諷經 宣疏

入七政燈 入願 大謝

具位某與壇官衆等再炷名香普同供

養 聖位如前

伏聞鰲峰竦傑可攀天上之星辰龍首  
軒昂沛作人間之雨露良以感恩於平

戶

十一

日將何酌報於今昔清供載陳愧乏玉

甕金醴仙家所茹無非火棗交梨今則

宝篆香殘銀缸焰冷星冠羽服步虛遠

徹於瑤宮霧輦雲駟隊仗將旋於

金闕徒切馳情於戀戀更祈降福之穰穰

云云

# 舉十念

一念身心清淨

二念性智圓明

三念道尊德貴

四念行滿功成

五念魂神澄正

六念魔王保迎

七念天官賜福

八念地府銷名

九念陰途不至

十念淨土長生

復爐

香官使者左右神君侍香諸靈官當令  
臣設醮之所自然生金液丹碧芝英百

靈衆真慶會在此香火爐前十方仙童  
玉女接待香煙傳臣向來所啓之言速

達逕御

至真無極大道

九天金闕明道達德大仙顯靈溥濟清微

洞玄冲虛妙感慈惠護國庇民崇神洪  
恩真君

九天王闕宣化扶教上仙昭靈博濟高明

弘靜冲湛妙應仁惠輔國佑民隆福洪

恩真君

奉送

聖父忠武翊亮

修齋事畢仰荷玄恩志心稽首奉送九

天金闕洪恩真君九天玉闕洪恩真君

雲輿不住鶴駕難留後有醮修還當奉

上

上

請

回駢頌

回駢五雲輿騰駕九霄高倏忽天中遠

道場香炁多玄恩覃宇宙福祿遍山河

緬想神仙路逍遙上大羅聖德留科教

修齋福壽長延生依玉簡請命奏金章  
罪名除北府生籍注南昌見存皆延壽  
諸真降吉祥向來設醮功德尚祈真君  
賜福流恩同賴善功證衆上道一切信  
禮

回向

大道無方善侶光中之影至誠有感應  
如谷裏之聲今有某人伏願

一人居北闕之尊河清海晏萬壽等南  
山之固地久天長文武官僚同增祿位

宮門人物咸賴康安海宇樂太平之風  
含靈資化育之德仰憑法衆為上良緣

念

三清三境天尊 九天錫慶天尊  
十方靈寶天尊 不可思議功德

戶一

真君瓊科畢

真君頌科

祝香

以今恭焚寶香虔誠供養

九天金闕明道達德大仙顯靈溥濟清微





洞玄冲虚妙感慈惠護國庇民崇福洪  
恩真君

九天王闕宣化扶教上仙昭靈博濟高明  
弘靜冲湛妙應仁惠輔國佑民隆福洪  
恩真君

宮中神仙諸靈官普同供養

恭聞神之顯德曰正直而曰聰明人所  
常情歆安逸而願富貴祭也必受福也  
禮乎無太簡乎庶食餘四百年香火如  
彼其盛碑銘凡一千字文章可得而聞

昭昭不朽之名凜凜如生之義功全稷

社稷

德在生靈農力於耕有黍稷稻粱之慶  
工精其藝合準繩規矩之程士以忠孝  
立身商以仁義為利問婚者宜家宜室  
祈嗣者生子生孫風風人雨雨人均遂

生成之願衣衣我食食我俱霑溫飽之  
仁施之萬物得其宜措之四時得其序  
仰之如泰山址斗厥光大矣不我遐遺  
現則為景星慶雲爭先覩之以為快樂  
宜受大禮以宣厥靈昔膺勅額之榮今

荷天恩之寵位既登於金闕玉闕名乃  
進於大仙上仙徽號褒崇威儀赫奕祀  
延百世表正萬神與大造以為徒長上  
古而不老伏念某心雖慕道材不如人  
少伸昭謝之私略致涓埃之敬具嚴法

戶一

十四

會干瀆真聰伏願鳴玉鸞兮啾啾駕八  
龍兮蜿蜿率雲霓兮來迓令閭闔兮開  
關先使豐降兮前驅後使飛廉兮奔屬  
委厥美兮從容蹇將澹兮壽光桂酒奠  
椒漿蕙肴蒸兮蘭籍逍遙兮容與低回

予懷顧某等下情無任勤拳顙俟之至  
白所有真君本願神咒謹當持誦

真君真君北斗大神云云

向來神咒已具敷宣奉請

聖父齊王忠武翊亮真君

聖母仁壽淑善仙妃

九天金闕玉闕二位真君

涇國衛國二位仙妃

法駕降臨預會衆真列班朝禮朝禮周  
各昇法座虔誠設拜上香



嘆香執爐

伏以明德以薦非黍稷之能馨為善之  
徒與芝蘭而俱臭是香也玉爐獻瑞金  
鼎呈祥郁郁紛紛結為雲煙之氣融融  
霽霽陶成宇宙之春捧之則有使者立  
戶二  
吾前侍之則有童子立吾後有醮云  
稽首虔誠供養無醮云酒陳初獻奉此  
侑樽法衆運心虔誠供養

吟香偈

天上雲荷種剛風落四溟深沈秘龍宮

海神獻仙衆今燕薦誠懇氤氳上紫宸  
洞達入無為所求皆如願和衆等一心  
供養散花洞案爐烟起旋遶

歎水

捧水盂

伏以潢汗可薦於王公惟有忠信以為

質源水不舍於晝夜自慚聲聞之過情  
是水也不濁不昏常清常淨天上為雨  
露承之以銅柱金莖地下為醴泉飡之  
如瓊漿玉液知者行其所無以事上善  
若此而不爭無水不朝東其源来自比

有醮云

稽首虔誠供養無醮云酒陳亞

獻奉 侑樽法衆運心虔誠供養

吟水偈

天上銀河溢泓澄映十方巒成雨露來  
覃恩大天地潤下滋枯槁涵濡澤萬生

酌水表丹衷身心悉清淨和衆等一心

供養散花源流非地脉散花林灌溉自

天河云云旋遶

歎花 獻花

伏以翠葉重重以停蔭於清冷之緒玉

葩鬱鬱乃生神於大有之庭是花也香  
本自和色無定色池蓮紅者忽變為碧  
牡丹白者可染為黃廣寒宮中桂一枝  
影施秋月武陵洞裏桃千樹靨笑春風  
欲傾葵藿之情少寓蘋蘩之禮有醮云

戶一

其

稽首虔誠供養無醮云酒陳終獻奉此  
侑樽法衆運心虔誠供養

吟花偈

玄圃珍葩盛盤根蔓十方挺秀八百年  
垂芳及塵世煒煒光明界續紛雨寶花



採得最清英我今與供養和衆等一心  
供養散花散花何處香  
旋遶

誦真君經

聞經云云

伏以遊神於道視不見聽不聞守道以  
神瞻在前忽在後隱無終隱名起強名

自赤明開圖天書之所由降及天真按  
筆人文之所以興帝嚳授之於牧德臺  
前黃帝傳之於峨眉山上或得於勾曲  
符闔閭之願或降於鐘山成夏禹之功  
矧茲經教之流傳使我衆生而解悟茲

蓋伏遇

九天金闕明道達德大仙顯靈溥濟清微  
洞玄中虛妙感慈惠護國庇民崇福洪

恩真君

九天王闕宣化扶教上仙昭靈博濟高明

戶

七

弘靜冲湛妙應仁惠輔國佑民隆福洪  
恩真君上佐斗真於北極內參玄學於  
東華百萬億劫劫修來五十五願願  
願得度煉金成鳳篆揉玉寫龍章願共  
諸有情同乘無上道道場衆等稽首皈

依志心讚詠

唱咏真君本願贊同聲

上朝帝座

身進天階

光依日月

職掌三台

列宿拱衛

雲漢昭回

東方龍角

獨占斗魁

華蓋房駟

輔弼嚴明

羽林將軍

左導右迎

填箎迭奏

律呂合聲

榮歸天府

萬里雲程

舉道場衆等人各虔誠讚禮如法

志心皈命禮德配乾坤功參日月神通

妙用正直聰明大慈大悲大聖大願隨  
機赴感發誓度人

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪  
恩真君

志心皈命禮威震雷霆澤垂雨露神通  
自在福德無邊大慈大悲大聖大願隨  
機赴感發誓度人

九天王闕宣化扶教上仙昭靈博濟高明  
弘靜冲湛妙應仁惠輔國佑民隆福洪

思真君

大道巍巍不可名

九天旺氣屬真君

古往今來無紀極 百千變化妙通神

和今將聖德虔誠讚願賜威光鑒此忱

願共諸有情同皈無上道

戶二

六

志心皈命禮德配乾坤功參日月云云

九天金闕

志心皈命禮威震雷霆澤垂雨露云云

鼻祖開基國始徐 朱弓赤矢降祥符

子孫枝葉昌而大 魁士名人載史書

和今將聖德虔誠讚云云

志心皈命禮德配乾坤云云

九天金闕

志心皈命禮威震雷霆澤垂雨露云云

九天玉闕

紛紛五代霸爭堆獨起淮南立大功

忠武盛名垂竹帛千年齊國襲王封

和今將聖德虔誠讚云云

志心皈命禮德配乾坤云云

九天金闕

志心皈命禮威震雷霆云云

九天玉闕

義舉王師下七閩 七閩効順不交兵

吏民按堵皆如故 簞食壺漿喜出迎

和今將聖德虔誠讚云云

戶一十九

志心皈命禮德配乾坤云云

九天金闕

志心皈命禮威震雷霆云云

九天玉闕

威儀如舊喜東迎 赤子潢池敢弄兵

生長鰲峰長廟食 丹書錫跡證天真

和今將聖德虔誠讚 云云

志心皈命禮德配乾坤 云云

九天金闕

志心皈命禮威震雷霆 云云

九天玉闕

斬茅伐木建祠堂 祝彞朝朝夜夜香

廟食王封男子願 皇靈剡剡降威光

和今將聖德虔誠讚 云云

志心皈命禮德配乾坤 云云



九天金闕

志心皈命禮威震雷霆

云

九天玉闕

占斷鰲峰一洞天

祠前景物尚依然

藤蘿交翠青雲外

更有龍湫瀑布泉

和今將聖德虔誠讚

云

志心皈命禮德配乾坤

云

九天金闕

志心皈命禮威震雷霆

云

九天玉闕

五色雲開現紫旗  
木爐不壞事何奇

天降雙龍來擁衛  
果然神物有憑依

和今將聖德虔誠讚云云

志心皈命禮德配乾坤云云

九天金闕云

戶二

志心皈命禮威震雷霆云

二十

天玉闕云

一朝雷雨起雙龍  
直泝溪流抵嶼無

化作木爐呈聖瑞  
鄉人因此立祠官

和今將聖德虔誠讚云

志心皈命禮德配乾坤云

九天金闕

志心皈命禮威震雷霆云

九天玉闕

古來風俗樸而淳 時號雍熙世太平

曰雨曰暘常感應 請將兩字上微稱

和今將聖德虔誠讚云

志心皈命禮德配乾坤云

九天金闕云

志心皈命禮威震雷霆云

九天玉闕云

昔日潢溪遷廟祀  
溪邊一帶小坡山

桑田滄海時更變  
父老于今號社壇

和今將聖德虔誠讚云

志心皈命禮德配乾坤云

上

下

九天金闕云

志心皈命禮威震雷霆云

九天玉闕

政和祠宇大規模  
龍首軒昂門地高

簷外杉風聲爽亮  
堂前桂月影婆娑

和今將聖德虔誠讚云

志心皈命禮德配乾坤云

九天金闕云

志心皈命禮威震雷霆云

九天玉闕云

無臭無聲事杳冥 至和之德感神明

重光夜現星燈瑞 九奏時聞天樂聲

和今將聖德虔誠讚云

志心皈命禮德配乾坤云

九天金闕云

志心皈命禮威震雷霆云

九天玉闕云

旗龍顯跡因名地  
祈雨王官再立祠

事載碑文人口誦  
秋冬以報祭維時

和今將聖德虔誠讚云

岩堯石塔與雲連  
行滿功成託舊緣

惟願法身常不滅  
光明普照遍三千

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天三闕

定應禪師盤古伏 我曾參得以中俾

任教直入真如境 一點靈臺自豁然

和今將聖德虔誠讚

三

志心皈命禮德配乾坤

九天金闕

志心皈命禮威震雷霆

九天玉闕

嘉定妖虫遍滿田 詣祠禳謝即南遷

是年夢叶維魚兆

黍稷倉箱慶有生

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

光澤盪舡過惡風 中流纜斷失西東

心香一瓣神如在 頓使舡移水路通

和今將聖德虔誠讚

志心皈命禮德配乾坤



志心皈命禮德配乾坤云

九天金闕云

志心皈命禮威震雷霆云

九天玉闕云

四方香火立羣祠  
派別分支不計時

功德昭昭垂日月  
質之父老口如碑

和今將聖德乾坤讚云  
虔誠

志心皈命禮德配乾坤云

九天金闕

志心皈命禮威震雷霆云

九天王闕云

廟食于今四百年 蕙肴桂酒禮精專

榮雲之卜如符契 德在人心威一天

和今將盛德虔誠讚云 聖

志心皈命禮德配乾坤

九天金闕

志心皈命禮威震雷霆

九天玉闕

曾效公山草木靈 嘉熙聖詔寵恩新

勅封靈濟金書後 廟貌千年冠八閩

和今將聖德乾坤讚

虔誠

志心皈命禮德配乾坤

九天金闕

志心皈命禮威震雷霆

九天玉闕

九天金闕

志心皈命禮威震雷霆

九天王闕

無知蠢蠢是愚民

曲突胡為不徙薪

現出救焚旗閃閃

反風陰助賴神靈

和人將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

曾聞寶慶旱如焚  
奎壁精誠神我聞

几上紅蛇形化現  
聲雷一鼓雨傾盆

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

滄峽民舡觸石灘 中流失楫已心寒

急呼神虎黃旗現 收援無虞頃刻間

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

昭定洪溪瀑水流 田疇執土溺實堪憂

時聞深港神兵出 又喜三登歲有收

和今將聖德虔誠讚

志心皈命禮德配乾坤

九天金闕

志心皈命禮威震雷霆

戶二

二五

九天玉闕

人道淳熙風俗美 彗星胡乃出西方

弭災銷變神明力 何必妖祥責保章

和今將聖德虔誠讚

志心皈命禮德配乾坤



九天金闕

志心皈命禮威震雷霆



九天玉闕

自古文章可立身

紹興符識泄神靈

兩家太守輝相映

一榜于今賀得人

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

朱衣夢報兩書生

嘉定聲名繼紹與

甲子一週天數驗

叔孫衣鉢世相承

和今將聖德虔誠

志心皈命禮德配乾坤

九天金闕

志心皈命禮威震雷霆

九天王闕

丈夫慷慨志功名

况是郎官應列星

夢起傅岩終大用

此中祖席顯精靈

和今將聖德虔誠讚



志心皈命禮德配乾坤

九天金闕

志心皈命禮威震雷霆

九天玉闕

壁水衣冠人物盛  
兩家生子賀人賢

戶一

二十六

嘉熙混試天機巧  
吉夢為傳賦樂吾

和今將聖德虔誠讚

志心皈命禮德配乾坤

九天金闕

志心皈命禮威震雷霆



九天玉闕

咸淳聖詔行鄉舉

主宰科名自有神

天機漏泄符吉讖

天機漏泄筆端春

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

好施輕財稱長者

謾言陰隲不相扶

祠堂名姓傳千古

六世科登五大夫



和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

戶一

典刑如在燕山竇

丹桂聯芳發五枝

二十七

既有人馬家積善

夢傳吉夢產佳兒

和今將聖德虔誠讚

志心皈命禮德配乾坤

九天金闕



志心皈命禮威震雷霆

九天玉闕

青布成羅羅織翠

紅塵化錦錦添花

夜來符讖呈祥瑞

願泄神靈福萬家

和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

道源溥博出於天

河洛圖書世所傳



天相斯文文未喪 争傳靈寶是文仙

和今將聖德虔誠讚

志心皈命禮德配乾坤

九天金闕

志心皈命禮威震雷霆

恬淡虛中自有神 積功累行乃成真

黃庭默授長生訣 任我飛昇駕玉輪

和今將聖德虔誠讚

志心皈命禮德配乾坤

九天金闕



志心皈命禮威震雷霆

九天玉闕

名登金闕字輝煌 學授東華祖正陽

上掌天文行院事 職分司祿佐文昌

和今將聖德虔誠讚

戶二

二六

忠心皈命禮德配乾坤

九天金闕

志心皈命禮威震雷霆

九天玉闕

默叅玄學東華洞 玉闕朝班拜紫微



南極注生權上相 職兼地府領諸司  
和今將聖德虔誠讚

志心皈命禮德配乾坤

九天金闕

志心皈命禮威震雷霆

九天玉闕

九月時當延壽節 雲開金闕上青天

我今虎拜長生殿 共祝堯雲百萬年

和今將聖德虔誠讚

志心皈命禮德配乾坤



九天金闕

志心皈命禮威震雷霆

九天玉闕

喜逢大慶中元節 神降崧高泄地靈

王闕金爐和裊裊 綵雲捧出老人星

戶二

二十九

和今將聖德虔誠讚

志心皈命禮靈濟殿內燕喜堂中性稟

謙柔利同坤厚執勤后德內助陰功羽

蓋霓裳刻紫字於緜氏女仙之列金房

玉室授黃庭於南嶽夫人之前澤及群



生祀延百世至聖至靈至柔至靜涇國  
夫人順助仁惠真應仙妃

頭上金冠戴七星 七龍五鳳紛相迎

願將玉醴金漿水 洒作人間雨露仁

志心皈命禮靈濟宮中燕喜堂內躬持

節儉政在優勤乃資后德之良俾式坤

儀之助闕睢之求淑女以無險陂私謁

之心雞鳴之得賢妃蓋有儆戒相成之

道功成內輔德被群生至聖至靈至柔

至靜衛國夫人善助慈懿恭靜仙妃

侍憑玉女為通傳

樂正宮闈四教全

萬物資生無不利

至柔至靜配坤元

志心皈命禮靈濟宮中親睦堂內莫嚴

於父所配者天須知莫報之息自有尊

規之道况御王朋命答揚文武之光開

國成家獨任伊周之寄功全社稷福及

子孫至聖至靈至尊至嚴神父齊王忠

武翊亮真君

詩禮諄諄過鯉庭

內助家法最嚴明

堂前且學萊衣戲

壽祝千春獻兕觥

志心皈命禮靈濟宮內親睦堂中聖善  
明哲柔閑靜專位正中宮功成內助儉  
德著而下化盛烈載於聲詩陰禮修而  
教化芳名光於史冊既念親慈之愛敢  
伸家慶之儀至聖至靈至慈至愛神母

戶

三

仁壽淑善仙妃

母氏劬勞不敢忘

至哉坤德合無疆

永遵慈訓傳家法 載詠思齊詩四章

志心皈命禮靈濟宮中親睦堂內墳麓  
迭奏羽翼相成無廼文廼武之材得宜

兄宜弟之義列茅分土守藩加食邑之  
榮崇德報功同日拜王封之侈親親不  
怨綽綽有餘至聖至靈至友至愛神兄  
列位郡王

華萼樓前積善鄉

昔年同日侈封王

一門孝友旌高節

遺愛千年親睦堂

志心皈命禮靈濟宮中燕喜堂內帷裳

整肅綾障森嚴家有主婦之尊禮鐘夫

人之愛以文辭著素聞謝氏女之材以  
德行稱無有鐘夫人之美躬持四教福

錫庶民至聖至靈至柔至靜神凡列位  
聖眷夫人

上奉慈顏喜友于 滿堂和氣笑愉愉

尊卑有分傳家法 稍似非冠不入爐

志心皈命禮靈濟官中親睦堂內後昆

戶一

三一

垂裕百世傳芳子姓名賢宣芝蘭之毓

秀祖宗盛事喜簪笏之尚存載歌葛藟

之詩爰詠螽斯之德至聖至靈至順至

敬神子神孫列位公侯

清白遺風教尚存 聲名高顯大于門

公侯自有公侯種 陰隲元來在子孫  
志心皈命禮靈濟殿內親睦堂中教有  
大倫睦親三族受天之祿食千鍾以至  
萬鍾列地而封先同姓而後異姓既辱  
劉將軍弘深之愛還知富鄭公脩謹之  
賢名重于時賞延于世至聖至靈至親  
至仁神舅神壻列位公侯  
渭陽舅氏母之親 曾知珠玉朗然明  
更為編序昌黎集 李漢文章播盛名  
志心皈命禮靈濟宮中燕喜堂內閨闈

肅整法度嚴明為綌志在女工之  
事采蘋采藻教以婦德為先禮宜奉於  
舅姑孝不忘於父母至聖至靈至敬至  
順神女神婦列位仙妃  
七篇女戒曲相送 惟舅惟姑父母同

佩幌蒨蘭如所賜 執勤婦德肅而雍  
志心皈命禮靈濟殿內燕喜堂中雲幙  
逍遙月宮富貴其服濟濟振綉衣而披  
桂裳其狀峨峨綴明珠而載金翠美矣  
麗矣溫乎燁乎願泄巫山之靈永為福

地之相至聖至靈自由自在合殿列位  
聖眷夫人

珠履金釵滿掖庭 態濃意遠淑而真

采蘋于沼公侯事 不比椒房號與秦

志心皈命禮靈濟殿內燕喜堂中日曜

戶一

三十一

為魂月曜為魄太乙有監生之典天乙

有注生之司星宿儲精感長庚而入夢

山川孕秀喜帝嶽之降神抱來天上之

麒麟並作人間之鸞鷲至聖至靈隨感

隨應太乙監生神后天乙注生神后列



位合屬夫人

夢吉維何喜弄璋

鰲峰秀氣發祥光

子生孫兮孫生子

本支百世熾而昌

志心皈命禮龍首庑庭鰲峰聖境職分  
百辟位列九卿司祿乃文昌之權衡司

福乃注生之主宰訓導洪範曰壽曰富

曰康寧頌獻閔官俾熾俾昌俾耆艾人

人胥慶在在蒙恩至聖至靈如響如荅

左右福祿列位真司主宰

福祿雙星現斗樞

職分左右進賢書

學叅方外之書善似光中之影隨機應  
化發誓度人挈塗炭之民而置諸衽席  
之上憫焦熬之俗而轉為誰歌之樂以  
勞定國則沉烏呈瑞捍難禦灾則回祿  
反風聲迹熒煌威靈烜赫伏念一切衆

立

三十三

慾心未滅道學不明其徇

阿佞以趨炎其措謀則豈敢險奸而煽  
毒楊湯上沸何其愚也收燼之餘不幾

晚乎幸曲突

徒有薪豫防之戒然紅爐點

雪會知鮮悟

之憂甚如薰誰能執熱曾

課燎原而可撲豈宜與玉以俱焚伏願  
戢我干戈永絕狼烽之倣救民疾苦何  
勞艾炎之功烹飲者得養其生樵爨者  
各安其業惟天鑒於一德故曰誠則明  
明則誠作善降之百祥俾爾熾而昌昌  
而熾心香一炷可通於碧落神光三燭  
載顯於靈壇請法衆等謹命太上所說  
火德星君咒稽首皈依

讚詠

志心皈依信禮

九天金闕

志心皈命信禮

九天玉闕

咒給卯戌文取卯戌氣想朱陵火煉之  
宮真君如在芒角生龍鳳威光吐十方

信為善者五行扶我司命與我為惡者  
凶氣覆之惡星照之雖天網之難逃在  
人心之知覺今辰伏念一切衆生皈心  
向道至誠感神躬禮真聰首陳自責爰  
從曩劫迨至今生耻過作非去順效逆

變情詢執挾詐抵噉以幽陰詭側而行  
其奸以酷毒殘忍而肆其害顛倒夢想  
昏迷乎利名志之塲殺盜邪淫沈汨於  
貪嗔癡之境大則欺於天地幽則負於  
神明怒暑怨寒呵風罵雨或對星辰而  
便利或對日月而裸裎或指虹霓或盟  
山海破壞廟社觸穢道塲不知身心口  
意之非不安士農工賈之分不崇三寶  
不習五常為人謀而不忠與朋交而不  
信事親非孝背主忘恩為富不仁重財

不義謂祭無益謂暴無傷謂敬不足行  
謂言不足畏犯上作亂好勇疾貧斥陷  
忠良侵陵孤弱欺公滅私薄人厚己教  
唆詞訟結構冤讐侮慢自无徼虐自作  
不明乎善不誠乎身小弁作而或父子  
之恩虧棠棣廢而或兄弟之情缺國俗  
敗而興谷風之刺骨肉怨而歌角弓之  
詩既知罪惡之貫盈恭對慈悲而懺悔  
人誰無過過而能改每懷戰戰栗栗之  
憂神無常享享於克誠小致切切拳拳

之惘伏願至仁孚佑大道垂憐赦其已  
往之愆錫以方來之祉群方胥慶率土  
蒙恩當今之日太平災不生禍不作諸  
福之物畢至老者壯少者強久欽靈德  
之威光用作濟民之事業某等至心稽

戶二

三五

首再拜禮謝

靈濟二位真君

舉



弟子一心稽首禮謝



九天金闕洪恩真君

弟子一心稽首禮謝

九天玉闕洪恩真君



弟子一心稽首禮謝

聖父忠武翊亮真君

披陳素願伏願聖慈俯賜鑒臨

一願當今皇帝壽和壽與天齊萬萬春

二願臣僚資祿位和風雲千載慶嘉亨

三願儒冠多富貴和名登天府作公卿

四願農民勤稼穡和自今歲歲喜三登

五願百工精技藝和待詔班門聽玉音



六願生財有大道和千戶封君可比倫  
七願風調并雨順和普天率土賀昇平  
八願租火常隆盛和千年廟貌顯威靈  
九願九天加錫命和玉佩踰趨拜紫宸  
十願十方諸信善和皈依三寶各虔誠  
上來立禮贊文公德已周道場衆等人  
各虔誠再伸啓白伏聞兢兢業業自慚  
重瀆之再三赫赫明明恭觀威顏之咫尺  
銘心知感稽首颺言德之著者曰顯  
靈昭靈功可推而為溥濟博濟津梁衆

苦日月群迷今辰修設酌恩祈福道場  
臣等恭對真聰宣揚妙範少伸三沐三  
薰之敬莫殫一瞻一禮之恭神聽無私  
情由可鑒用滌曩劫今生之罪業願作  
在在未來之果因有始有終無惡無斁

戶二

三十六

知可及愚不可及神化之民使宜之行  
滿功圓可以進於玉室丹臺之上氣存  
神正可以開於紫陽雲錦之囊信男信  
女咸得長生億魯萬祖皆即受度遍及  
幽冥之異類盡歸縹緲之大乘為上因

緣念 舉 天尊號

真君願科畢

璣衡七政星燈科



以今焚香供養

九天金闕明道達德大仙顯靈溥濟清微

洞玄冲虛妙感慈惠護國庇民崇福洪

恩真君

九天玉闕宣化扶教上仙昭靈博濟高明

弘靜冲湛妙應仁惠輔國佑民隆福洪

恩真君



宮中神仙諸靈官普同供養

恭聞龍漢開圖而玄元始之炁分教極  
初化而天地人之位定夫人也大道難  
遇中土難生况抱以陽負以陰四肢既  
立必貴其形保其命萬炁長存惟恐老  
死若之為憂各以長大美好而自悅人  
有所欲天無矜親何揚也富何憲也貧  
何彭之壽何顏之天母誘之數盍求諸  
身爾時靈濟真君遊宴玉清聖境熙帝  
之載則天之明作大因緣為衆演說五

辰我撫或盈或縮之不常兩曜我經一  
一暑一寒之有序順之則為吉隆之喜  
逆之則為凶危之憂惟至誠可以感神  
故積善必有餘慶既沐昭臨之下敢忘  
昭謝之私今辰謹有奉道某人恭敬

靈壇具陳菲供依元陽之玉曆行香誦  
經按靈寶之今科修齋奉戒發明章典  
燃點神燈仰觀經緯之文遐想璣衡之  
象蘭炷爇火見其盛未見其微鐵盆盛  
膏其增未見其減上照三千二天光明

廓落下使百千萬人瞻仰皈依衆善自  
光中生衆惡目光中滅一作礼而再作  
礼心眼玲瓏初上香至三上香歌聲響  
亮仰惟洞鑒俯賜恩光更與三界齊  
臨萬人恭詣凶星退舍在四時則無害

無刻言曜臨軒錫五福以曰福曰壽曰  
首皈依至真妙道 德光常曜天尊  
法衆等志心皈命靈濟宮

九天金闕明道達德大仙顯靈普濟清微  
洞玄冲虛妙感慈惠護國庇民崇福洪

恩具君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪  
恩具君

宮中神仙諸靈官謹燃璣衡七政神燈

戶二

三六

上布日曜太陽之象

恭聞道在太極之始莫見乎隱莫顯乎  
微日者衆陽所宗無願不成無幽不察  
莫測其妙所存者神赫赫厥靈人可畏  
之如趙盾明明在上民皆仰之若周公

輝光其德盛矣乎潔白其節皎如也烏  
輪肅備朝覲贊儀之宮義駕莊嚴燕享  
洞陽之殿放在毫光萬丈普照世界三  
千人吾門也無葺屋之疑遵吾道也滅  
索塗之病伏念一切衆生塵埃汨沒徒  
竄遂影之勞電露虛華惟有過隙之歎  
自今反照與道常明伏願中為市者獲  
行商坐賈之財出而作之安耕曰斲粟井  
之世未藝之巧者以圭測影工之勤者繼  
趾焚膏為儒者賦誇五色文章入仕者



名號八磚學士桑榆殘照爭同松栢以  
長青螢磷增輝願與昆虫而被澤必竭  
葵頃之敬願垂藻景之光請法衆謹依  
太上所說太陽帝君神咒稽首皈依虔  
誠讚詠

戶二

三十九

志心皈命信禮

九天金闕明道達德大仙顯靈溥濟清微

洞玄冲虛妙感慈惠護國庇民崇福洪

恩真君

志心皈命信禮



九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

呪捻午文吸午氣遙想洞陽鬱儀宮真  
君如在

東望扶桑宮稽首朝鬱儀太陽洞明景  
寥寥何所思令我拜金色候天想英姿  
皇華將玉女臨軒降此時和願此燈光  
回向真君散花大明圓極天尊  
法衆等志心皈命靈濟宮

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪

恩真君

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

宮中神仙諸靈官謹燃璣衡七政神燈

上布月曜太陰之象

恭聞祖氣在太空之中無色無緒月魄  
泛下華之采有性有情經於箕而起風

離於畢而作雨天之工也神而明之步  
蟾宮八萬三十門清光可挹毗鶴臺一  
千五百載聖迹猶存劉越石之却虜圍  
果遂登樓之興曹孟德之成霸業何妨  
鼓瑟而歌或淪精而授漢之符或委照

正

四十一

而應吳之瑞其名清亮厥績彰明伏願  
一切衆生宬影偷光塵籠養晦將長護  
短豈無玷缺之愆文過飾非未免朦朧  
之罪謹當昭謝幸覩光明伏願鴻集澤  
中安有鳥飛之恐雞鳴境內永無牛喘

之憂揭兔藥者可以長生採蚌珠者可  
以獲富入仕者早中姮娥之選定婚者  
果待老人之言瑤光現而孕產佳兒玉  
斧修而工精藝巧拱俟織阿而按畧自  
慚太白之舉杯請法衆等謹依太上所  
說大陰皇君神呪稽首皈依虔誠讚詠  
志心皈依信禮

九天金闕明道達德大仙顯靈溥濟清微  
洞玄冲虛妙感慈惠護國庇民崇福洪  
恩真君

志心皈依信禮

九天玉闕宣化扶教上仙昭靈博濟高明  
弘靜冲湛妙應仁惠輔國佑民隆福洪

恩真君

咒捻未文吸未氣想洞陰結璘之官真

戶一

四十一

君如在

仰望顧八表惟月孕陰精中有太素皇

夫人駕綠輶輝華光二極混明照三清

殷勤求至道五色下參迎和願此燈光

回向真君散花圓鑒洞照天尊

法衆等志心皈命靈濟官

九天金闕

九天玉闕

宮中神仙諸靈官謹燃璣衡七政神燈  
上布東方木德歲星之象

恭聞道心惟一昏昏嘿嘿以難名木神  
則仁化化生生之為妙在時為春而春  
風長養於德為元而元氣胚胎均蒙扶  
植之功猶賴剝裁之力高山仰止易地  
皆然謝石得之以顯公山之靈周公得

之以釋金滕之謗調梅用說則夢來諸  
野採桑得尸則神降於莘功卓立於一  
時名流芳於萬世伏念一切衆生守株  
安分托蔭過情雖樗櫟之材槌魯無文  
然杞柳其性杯棬可用篋繩則正非矩  
不成伏願能官者撲棧其章聽訟者甘  
棠其以觀橋梓之道而父慈子孝歌華  
萼之詩而兄友弟恭生子願為聖小兒  
挺挺五枝之桂結交須作忘年友森森  
千歲之松栳灼其華宜其家宜其室果



炁以薦尊爾祖敬爾宗少伸實求之儀  
非擬燔柴之典請法衆等謹依太上所  
說木德星君神咒稽首皈依虔誠讚詠

志心皈依信禮

九天金闕

戶二

志心皈依信禮

九天玉闕

四十二

咒捻寅亥文取寅亥氣想青華青天  
宮真君如在歲星乘木德展轉耀東鄉  
陵天姿潤澤五色混明皇尋花歌浩漾

擲水詠芝房經時頻禱祝獲福自然長  
和願此燈光回向真君散花妙智圓明

天尊

法衆等志心皈命靈濟宮

九天金闕

九天玉闕

宮中神仙諸靈官謹燃璣衡七政神燈  
上布南方火德熒惑星之象

恭聞火秉南方之德炎帝行權神為東  
海之君真君錫珩玉精鑄魄金液煉形

世家積善稱君子 子子孫孫慶有餘  
志心皈命禮龍首廟庭鰲峰聖境電光  
閃閃雲氣高高天何言哉聲雷霆而震  
怒地之利也資雨露以相生神機運於  
不測之中妙化斡於無形之境恩霑九  
有澤被群生至聖至靈則變則化雷公  
電母風伯雨師本宮昭靈孚濟龍王及  
五方社令行兩龍神等衆  
龍乘雲氣固能靈 聲動雷霆萬里驚  
天下蒼生霖雨願 頓令頭角起崢嶸

志心皈命禮鰲峰聖境龍首廟庭乃聖  
乃神在左在右或獻優旃之技或精管  
輅之能掌膳者物用八珍典樂者聲諧  
六律兵十六衛舉皆出將之材騎三百  
人各有封侯之相威靈赫赫圖像猗猗  
至聖至靈有嚴有翼合殿合屬威靈威  
靈  
以勞定國法施民香火因緣配廟庭  
將相聲名長在世千年圖像資麒麟  
舉足各長跪虔誠懺悔

志心皈身歸神皈命

九天靈濟真君合殿威靈仙衆伏望聖慈  
大垂巨澤普降洪恩以今齋恪虔誠皈  
殺懺悔伏聞禍福無門惟人自召吉凶  
有兆如影隨形善者惡之符惡者善之

丹剛耀五夜朱火焰三邊晶明符正氣  
劍戟挨兵權撓槍應迤滅孛彗敢當前  
和願此燈光回向真君散花智炬赫奕  
天尊

法衆等志心皈命靈濟宮

九天金闕

九天玉闕

宮中神仙諸靈官謹燃璣衡七政神燈

上布中央土德鎮星之象

恭聞社而祭土配地之宜神之為德合

五十一

四十四

天之道石文薦瑞陰克相於唐家野塊

呈祥神有扶於晉室秦如得蜀則褒谷

之妖不足為怪劉既吞桓則鮮卑之夢

夫豈偶然宗孝子以此葬父而顯陰功

鐵輪王以此施伏而成因果洪規之舡

可以借重虛江德政萬古流傳雷煥之  
劍可以增光華陰聖迹千年如在以沙  
漬酒曾授高府君療病之方取塵為圓  
嘗得葛仙翁活人之劑以黃尚德有赫  
厥靈伏念一切衆生沅蟻偷生壁虫守

拙惡多善少豈無一簣之虧彰往如來  
未免百昌之托靖怪糞壤無所用也或  
者泥塗其可棄乎從今正道以由行敢  
不立墻而起敬伏願華嶽儲精為士者  
生而穎悟黃金同價為商者富於貿遷

塲藝精而工食其功膏脉動而農力於  
稽編鐘擊磬略陳桴鼓之儀酌水獻花  
愧乏青藜之貢請法衆等謹依太上所  
說土施星君神咒稽首皈依虔誠讚詠  
志心皈依信禮

戶二

四十五

九天金闕

志心皈依信禮

九天玉闕

兕捻子丑文取子丑氣想黃中元氣之  
宮真君如在高穹符戊巳藏陸起重霄



五行尊暗曜九天見光昭甘石推留伏  
陶巫筭汰察上仙垂雨露伏地禮空搖  
和願此燈光回向真君散花靈光炳曜

天尊

法衆等志心皈命靈濟宮

九天金闕

九天玉闕

宮中神仙諸靈官謹燃璣衡七政神燈

上布西方金德太白之象

恭聞金孕太白之精西方有象神位上

清之列北斗化形文章久著於天台源  
派其來於厯水歌詩雅頌有鏗鏘之美  
勒名鐘鼎負剛介之材李少君因此以  
成丹商傳說用之而作礪其為寶也誠  
可貴其為器也寧可輕仰之彌高鑽之  
彌堅截然有條渾然有理伏念一切衆  
生四知有愧素欽揚震之賢三致無能  
空羨陶朱之富遇自今而煎改誠有賴  
於鎔陶伏願經果不焚喜得滿籛之教  
文如未喪猶聞擲地之聲言可行名可

言楚人之諾皆如季布聖希天賢希聖  
孔子之儔豈特顏回愧無鴻寶之陳略  
具黍樽之獻請法衆等謹依太上所說  
金德星君神咒稽首皈依虔誠讚詠

志心皈依信禮

戶一

四十六

九天金闕

志心皈依信禮

九天玉闕

咒捻辰酉文取辰酉氣想金天素靈之  
宮真君如在太白凌清漢騰霜耀素英

亭亭浮瑞彩皎皎盛長庚鋒高能禦寇  
色潤每降兵推窮符曆數合道與長生  
和願此燈光回向真君散花明真養皓

天尊

法衆等志心皈命靈濟宮

九天金闕

九天玉闕

宮中神仙諸靈官謹燃璣衡七政神燈  
上布北方水德辰星之象

恭聞水之神故曰玄冥其源也深其流

也遠神如水之在地下何所不至何注  
不通蕩蕩乎吾無能名淵淵乎誠不可  
測言其仁則魚鱉得其所言其威則蛟  
龍神其靈飛沙怒濤曾顯三山之夢興  
雲致雨具瞻四瀆之祠水渡滹沱王霸  
之言何其神也雪乎淮蔡之愬之功豈  
非天乎均蒙潤下之仁敢有朝東之請  
伏念一切衆生盜泉止渴何饕餮之不  
材濁渭常流使穢污而自臭謹當洗濯  
毋即惱淫伏願官府升平珠果還於合

浦人材恭長舟可濟於巨川泮林之桑  
熟而蚕乃登潢地之劔賣而牛可畜財  
利之源淵積既庶而何加又曰富之子  
孫之派流長盛德之後必有興者恩波  
洋溢福海弘深少伸行潦之儀深愧蹄  
涔之陋請法衆等謹依太上所說水德  
星君神咒稽首皈依虔誠讚詠

志心皈依信禮

九天金闕

志心皈依信禮

九天玉闕

咒捻巳申文取巳申氣想玄靈大德之  
宮真君如在妙哉符五氣鬚鬚見真門  
嵯峨丑位當壬癸洞靈君分輝疑皎潔  
躬享赴思存仙歌將舞道良久下金天

和願此燈光回向真君散花龍德普照  
天尊

諷誦經咒

向來燃燈功德並巳周圍

恭聞覩天文而察人事可以前知修人

事而應天文吉無不利須仗神燈而點  
照特憑科典以宣揚回向真君仰祈靈  
貺自今以後丕闡厥靈伏願星聚於奎  
再覩文明之治光會於璧渎還淳古之  
風上體天心下孚民望更與燃燈之後

戶二

四八

五星順度兩曜增輝寒暑不愆躋兆民  
於仁彞兩暘時若祈百穀之豐登蠢動  
含靈咸資化育仰憑法衆為上良緣念

三清二境天尊 九天錫慶天尊

十方靈寶天尊 不可思議功德



璣衡七政星燈科畢

仙妃秘典

入壇

步虛

混沌初開啓陰陽化育生九天成道化

萬國保安寧寶座臨金殿霞冠耀玉軒  
萬真朝帝所飛帛彩雲根

祝香

祥煙結篆瑞氣凝空瞻碧落以投誠望  
紫清而設拜恭以道香滄租無為香無

為清淨香清淨自然香妙洞真香靈寶  
惠香超三界香滿瓊樓玉殿遍諸天仙  
境虔誠上啓供養

九天道母無上帝后元君承天效法后土  
皇地祇帝后統法善捨聖母八極帝后

三

四十九

東極保生聖母青衣帝后南極保育聖  
母火光帝后八極糾察聖母金光帝后  
大羅大掌集聖母璫真帝后九天提點  
按察聖母伏魔帝后主掌閻浮提世界  
地主明玉統法聖母六通帝后九天開

化育生仁德妃汪聖妃青德妃宛聖妃  
九天開化忠德妃顏聖妃

涇國夫人順助仁惠貞應仙妃衛國夫人

善助慈懿恭靜仙妃親睦堂聖母仁壽  
淑善仙妃唐王后明蕭仙妃洪王后仁

慈仙妃鄂王后順懿仙妃廣陵王后善

慶仙妃聖女冲懿仙妃明懿仙妃聖婦

善懿夫人仁柔夫人惠順夫人昭懿夫

人順恭夫人明哲夫人恭懿夫人靖懿

夫人昭穆夫人慈孝夫人聖婦列位夫

人內侍順成夫人昭華夫人容華夫人  
修容夫人修儀夫人昭儀夫人內典婦  
功夫人絲臬夫人筦庫夫人帳集夫人  
度支夫人女府女史列位夫人女祝女  
御列位貴人內侍內典聖眷夫人天乙

注生神后太乙監生祥后司祿司命上  
相夫人守胎衛房夫人保胎護命夫人  
左右慈訓夫人保傳夫人左右掌集夫  
人諸宮掌印夫人抱送夫人乳哺夫人  
撫育夫人托生化婆燕喜堂東西二序

列位夫人汪生注福注祿注壽婆宮主  
掌判送婆官守胎衛房婆官王母宮中  
七千徒衆臨水宣封廣福陳十五夫人

三十六宮婆又

切以聖不可知之謂神感而則應民到乎今

戶二

辛

受其賜靡也可忘式克至今日休不敢啓上

帝命臣誠惶誠恐頓首頓首恭聞無形之表

至道之精軒轅皇帝啓鑰抽關太上老君傳

燈續印德而不德清虛怪寂寂之無宗玄之

又玄廓落達生生之有妙周流六虛而無息

主宰萬物而不遺巍乎其有成功無以稱其  
威德伏念臣志求諸道材下於人敷奏以言  
方寸地之階願借恪恭乃職咫尺天之威不  
違重念黜首某等致力於神縷我以福祠稱  
靈濟名被顯封赫赫厥聲濯濯厥靈雖雖在

宮肅肅在庶雖桑梓必敬止維蘋蘩可荐之  
遇中元集福之晨是乃上相誕生之旦乾坤  
為瑞閭里稱歡是月在中式播崧岳生申之  
詠與天齊彞同伸華封祝壽之誠茲蓋伏遇  
昊天玉皇上帝玉陛下總元範於十方建大

功於億劫無有遠邇均屬照臨凡有血氣莫  
不尊用敷腎腸歷以告臣塵凡濁贊夙夜小  
心自慚蠢蠢無知敢曰高高在上齋戒沐浴  
以事帝對越在天聰明正直之謂神虔恭在  
位幸披雲而覩日如臨淵而履冰伏願不聞

臣

五十一

亦式不顯亦臨有相之道俾富而昌俾耆而  
艾用錫厥民臣無任瞻天望聖激切之至

官三元仙衆列位婆官醮筵一切仙衆  
府縣城隍夫人當境夫人金鰲各廟祈  
福夫人本官一切婆官等衆三界香官

直日典者仗此真香普同供養香廼玉  
華散景紫氣凝煙香雲密羅迳衝九天  
當願侍香金童傳言散花玉女為其開  
啓咸賜如言謹奉為入意仰祈慈蔭福  
及群黎今則蘭場開啓法事關行稽首

皈依無極大道

唱道



道場眾等人各運心皈依三寶一切念

淨壇

至真惟淨云云淨天地咒云云洞中玄



虛云云

舉  
火光蕩穢元君

跪爐

道由心學

云云

五星咒

五星列照

發爐

舉鳴法鼓二十四通

無上三天玄元始三炁太上老君召出

臣等身中三五功曹左右香官使者左

右捧香驛龍騎吏侍香金童傳言散花

玉女五方直符直日官將各二十六人

出出者嚴莊關啓此間上地里域真官

正神臣今正以燒香行道謹奏為某人  
某事其諸丹悃具載詞文以今發事願  
得太上十方正真生炁下降流入臣等

身中令臣所啓速達徑御

九天道母無上帝后元君御前請稱法位

戶一

五十一

具位上啓

九天道母無上帝后元君聖位如前

恭聞三才肇判立人道於天地之間列

聖分司為帝后掌生成之籍惟人為貴

所職猶尊育魄煉形始自注生於南極

彰善罰惡次則分隸於天宮仰惟三十  
六位之尊實司萬億兆人之命富貴貧  
賤有定分於胚暉壽夭短長皆悉由於  
掌握上領天曹之威命下副世嗣之祈  
求聰明富貴必生於積善之家天賤卑  
微必報於積愆之後鑑衡無隱毫髮非  
私但興一念皈依必獲百神昭鑑今有  
事意致恭盡禮叩首虔誠僭陳醮祀之  
儀曲盡精虔之懇皈命天上三十六天  
帝后靈濟仙妃內侍真靈伏望乘雲駕

鶴整法駕以來臨憑虛御鳳副凡心之  
懇禱法衆虔誠皈命奉請

上來迎請內外諸宮仙衆俱已來降各

請整肅仙班祇迎仙駕

臣謹奏請

主掌閻浮提世界地王明王統法聖母六

戶二

五十三

通帝后伏望道慈降臨御座

九天提點按察聖母伏魔帝后

天羅天掌籍聖母瓊真帝后

八極糾察聖母金光帝后

南極保育聖母火光帝后

東極保生聖母青衣帝后  
統法善拾聖母八極帝后

承天效法后土皇地祇帝后

九天道母無上帝后元君

上來奏請已沐降臨眾等虔誠法事供

養

玉殿排龍座

諸天遠降臨

可誠皈大道

有事自符心

瓶插花飄麝

爐煙杳裊沈

懋懃三上祝

願降福恩深

步虛

寶座臨金殿霞冠耀玉軫萬仙朝帝所  
飛鳥綵雲根

安座頌

九天御座

玉几龍墩

金光照耀

百寶光明

諸天下降

全正大興

受此寶座

保兒安寧

交梨火棗

瓊柰蟠桃

瓊花蠟燭

甘露醍醐

瓊泉瑞露

鳳茗龍芽

天厨和積

隨念而供

伏聞清濁攸分陰陽定位乾坤交而生  
六子天地泰而育群生矧茲帝后元君  
猷持陰教况乃下方胎孕全仗聖恩凡  
形流於三界之中皆屯象於六陰之始  
積善則子孫繁衍儲惡則枝葉凋零有  
禱必<sub>克</sub>逆無求不應錫男則獲以聰明智  
慧注女則報以端正形容救生死於俄  
頃之間除災患於逡巡之際禍淫福善  
執一定之權衡保正却邪救衆生之性  
命凡神崇奉必獲感通某等忝預人身

幸逢盛世奉諸宮之道化闡大法於虛  
靈是以爰潔靈壇仰延真馭香疑寶蓋  
瑞騰於瑤殿臺前花散瓊英芬徹於玉  
京山上心伏誠而達祭以德而馨仰荅  
聖恩次陳已過願扶持於有永保孕育  
以無虞爰列華筵用伸景福伏皐祥光  
下降勅聖妃以保生靈雲駕俯臨降醮  
筵以證功德仗芳香而接景惟至懇以  
通誠聖造無私洞回明察以今上祝  
當今皇帝帝后諸官壽筭天齊于孫日盛



派衍旋源之遠輝聯玉葉之光廣聲教  
於流沙息干戈於漠北下民樂業慶五  
風十雨之調醜虜歸仁息四境三邊之  
衆產璫芝而薦瑞近紫竹以呈祥率土  
普天咸歸有道真等冒瀆之至稽首設

戶

五十五

拜上香貢茶進酒謹當初獻散花云諸  
真前供養 再稱法位 具位上啓

聖位同前 伏聞地極之中莫非生人

之聚處維坤之上爰有司命之尊神掌  
生籍於諸宮之時管狹兒於壽筭之上

定善惡而可予，可奪分陰陽而為女，為男毫髮非私，分數有定。今有某祈萬福，以來臻萃千祥，而畢集之子孫之祿筭。致門宇之昌隆，世世代之皆賢。螽蟄繩繩之有望，恭惟

九天道母帝后元君靈濟仙妃內侍仙眾主持生籍賴衍慶以保生救度世人願安民而濟世釋罪愆於已往保養育以無虞爰竭精誠以修功德仰祈慈蔭俯庇身田伏愿九玄七祖徃劫親緣脫離

冥途超昇福地注南宮之生籍消北府  
之愆尤錫以瑞栴以衍三千之壽賜之  
火束以延十紀之年遠近親因均蒙庇  
佑醮主虔誠上香貢茶進酒今當亞獻  
丹忱無可獻由人

重稱添位

具位上啓

位同前

伏聞四瀆大神實掌攝生之

集五嶽精炁用抄錄秀於人雖水宮杳  
邈之中乃嬰孩生成之地無求不應有  
感皆逆今有某人實賴慈恩永符至願

福歸嗣續慶衍本支男皆富貴以聰明  
女則端正而有相萬邪不染百病無侵  
均蒙養育之仁各遂生成之喜仗一念  
之虔誠仰諸慈而昭鑑恭惟

九天道母無上帝后元君靈濟仙妃內侍

九二

五十六

仙衆伏願瑤臺殿上赦曩劫之過尤切  
利天中錫今生之福祿本枝百世富貴  
多男綿邈孫被廣聯族裔保安寧而有  
慶俾母子以無虞萬邪不侵百靈常衛  
某等無任再三冒瀆之至虔誠稽首再

拜上香貢茶進酒謹當奉獻散花舉道  
場衆等人各運心諷誦如法

誦南極注生經畢

宣疏

大謝

向來文疏已對敷宣聖造無私諒垂昭

鑑以今再炷室香虔誠上啓

九天道母帝后元君靈濟仙妃預醮真宰

伏聞陰陽交邁萬物成形天地氤氳群

靈坻象自一元而肇判見二氣之攸分

雖道母為群陰之宗而帝后乃萬天之

母握生成之柄，總嗣續之權，保命生以  
保嬰兒，令驅瘟而驅災患，慈悲救苦，憫  
念衆生，誓願護民，流傳大法，某等幸逢  
盛世，獲睹人倫，仰荷生成，曲垂陰佑，奉  
先天之妙道，濟下界之生民，凡殫夤奉

九二

五七

之誠，必獲感通之德，某等爰投列款，恭  
薦惟馨，聖德無私，陰功不宰，仰祈昭鑑，  
以錫寵洪，伏願少駐鸞輿，暫留鶴駕，赦  
之憊過，俾子母以相安，錫以恩麻，使閨  
門而有慶，今某與合壇官衆等，功慮爰

從曩劫以至今生或妬害之成愆或和  
淫之結罪或在日宮月府或繫天曹地  
司並異赦原均蒙恩佑所異長生簿上  
注嗣續之姓名承天宮中授聰明之孫  
子遠宗近族苗裔繁昌內戚外親本枝  
榮盛人世之非禍不染天時之疫癘無  
侵泊乎水陸之飛潛咸遂生成之性命  
上則明帝后保生之德下則副某等皈  
命之誠謹啓上聞

舉十念

一念一陽闡道

二念二氣相生

三念三官赦罪

四念四府注生

五念五行相順

六念六宮昌榮

七念七星順度

八念八節常寧

九念九玄離苦

十念道化興行

度爐

臣召香官使者左右龍虎軍捧香使者侍香諸靈官當令臣某正以燒香行道之所自然生金液丹碧芝英百靈衆真交會在此香爐前當願諸天垂佑合家



蒙恩十方金童玉女接待香煙傳奏  
臣某向來所啓之誠速達逕御

九天道母無上帝后元君御前  
設醮事

畢仰沐慈恩虔誠稽首再拜奉送

送真頌

五

五十八

九天隊仗  
整肅雲衢  
金童玉女

寶蓋旛幢  
諸宮夫人  
位列前行

天香馥郁  
燭燦金蓮  
黃旛豹尾

玉節龍車  
乘雲而去  
歸大羅天

臣某瞻仰  
和風寂然

道母流玄教

雲興返洞天

金爐和尙裊

玉燭火猶然

仰望心如在

追攀志莫前

願祈流福慶

醮主永長年

向來設醮功德尚祈慈顏錫福流恩同

賴善功證無上道一切信禮 回向

化財

仙妃秘典畢

本宮豎旛科

安人輔國立玄功

高舉靈旛聳太空

萬姓瞻依咸向道 二仙顯赫福增崇

兩霄玉宇三途潤 日映龍章九夜通

梵徹金鰲雙闕下 生身受度慶無窮

伏以道由心合仙科備具於盟真旛以

風揚靈範將期增福慶念塵凡之未釋

戶二

五十九

祈歲序以康安日魄月魂莫曉呼吸之

際天堂地獄當知覺悟之思識先達於

著龜節愈堅於松栢千鈞寶玉莫買青

春萬劫長繩難留白日污穢欲期而煎

雪罪愆知悔可消除人世俱空泉扃有

籍憫先亡而悼故逝闡今格以求幽魂  
蠲宿業以落幻緣植靈幡而延福慶幽  
敢期於不至福豈得以自求人修善果  
天必福隨舟行半夜蹉跎迷萬壑之前  
花折先春結實晷群英之首發心精進  
悟道逍遙以永終者願得長生故製此  
科與禳災厄不經苦惱身有光明法衆  
虔誠舉揚聖跡

靈幡赦罪天尊

靈幡飛颺

殃孽消亡

天慈開赦

無邊十方

生死蒙惠

俱利無疆

福善有報

修持不忘

真空速證

擺脫無常

百年康寧

控轡天堂

和願得長生

旗幡高舉隨自在之飛騰  
深罪盡除悟

從前之愚昧若罪居藩始  
罪可以消藩  
在罪前罪可以赦

墨如負典刑能發肯心  
將期自悟明心  
了了獲福如如荷嘉會  
以敷華錫長年  
而用慶茂膺景福  
惟願慈悲法衆虔誠

舉揚聖號

寶幡延福天尊

幡之為度

長短合象

福幡期幡

幡送福向

示之玄妙

締掃業障

長生益齡

度人無量

戶二

卒

和願得長生

罪誠可赦福足以延罪

未絕其非

安為盡得福延而不思其後詎敢自安

倘長與過舉之為是深矣修崇之義幽

魂繫繫正居前後之有虧先魄沈淪皆

以初終之無守當思覆轍無咎靈旌莫  
空教白髮之百年因循度世孰謂勝黃  
金之一偈方便教人是以開發根源提  
携首尾欲存善後更賴慈尊法衆虔誠  
稱揚聖號

度生觀空天尊

生生劫劫

梳幻因循

天開以源

洗濯一身

灾迤永絕

福祿俱臻

長年不朽

與道合真

和願得長生

伏願植旃之後

皇圖鞏固

帝道遐昌樂萬姓以昇平率四夷而從化澤  
品類景貺沾敷罪業蠲消福祥輯集見  
存獲福幽壤沾恩為上因緣念

戶二

六十一

三清三境天尊

九天錫慶天尊

十方靈寶天尊

不可思議功德

本宮豎旛科畢

洪恩靈濟宮真君靈籤

第一籤

上吉



龍韜豹略韞奇謀  
若遇明時即獻籌  
世道風波多勇猛  
好從靜處細沈浮

第二籤 上上

吉夢先為兆吉祥  
細尋稱意可參詳  
生男不獲棄孤志  
責任還須再弄璋

第三籤 中

青帝權當正屆時  
深紅淺綠映花枝  
上林一夜西風起  
天際行人知未知

第四籤 下

蠻觸相傷萬事虛  
彼仁我義却還初

鄒陽繫獄沈消息  
誰上緹縈女子書

第五籤 大吉

間步前途慢著鞭  
好將舟楫度平川

一輪明月今宵滿  
萬里雲衢萬里天

第六籤 大吉

一派波流勢欲東  
時人正在望洋中

西山犬吠聞風月  
此去青雲有路通

第七籤 下

疴羸病症不堪醫  
妙藥良方且慢施

遇兔逢羊終獲吉  
莫教喜事轉成悲

第八籤

中下

喪牛失馬不堪憂  
世事何思教贅求  
若遇春初冬末後  
佳人休向道傍謀

第九籤

下

薄雲殘霧未控門  
東西南北未亨通

九三

六十二

人從生處且投下  
一葉秋來鴈過鴻

第十籤

盈庭音耗不須多  
六有訛言莫信他

男子婚姻終獲吉  
狐疑未判事能蹉

第十一籤

數行丹詔拆泥封  
鶚薦橫空消息好

萬里青雲喜得隆  
山間林下莫留踪

第十二籤

寒谷陽回奪化工  
淒涼外面傳消息

閒花不用怨春風  
萱蕊枝頭著意濃

第十三籤

鱸肥蓴美忽思秋

萬頃波間可下鈎

機露鷗飛空着力

那堪明月滿歸舟

第十四籤

我強彼弱植降旌

休向行人道不平

雨霽雲收猶未歇  
春風纔到便分明

第十五籤

下

測度何須問再三  
冲天羽翼欲圖南

忽然消息相邀阻  
事若成時又不堪

第十六籤

下

戶

六三

征夫一箇在天涯  
虎在寅方望在家

目斷魂消音信絕  
梨花帶雨一枝斜

第十七籤

中下

朱雀當權屬丙方  
不思來問子孫殃

風波靜處堪移步  
蜂蠆傷人莫自傷

第十八籤

中

佳客龍門喜氣新

天衢附翼且攀鱗

等閑借問吹噓路

免使微才歎折薪

第十九籤

中

萬變枝頭不肯休

誓兄盟母結冤讎

好宜急解爿前過

拜伏求神始免憂

第二十籤

吉

朱門桃李已成粧

雨露工夫何艷陽

一奏風雲彈刻到

休言衣錦早還鄉

第二十一籤

中

求財求利意何貧 莫信怡言未盡甘  
務是富商皆利息 津津喜色在東南

第二十二籤

吉

車馬遊人任往來 閒花冷蘂苦相催  
不蒙一點東風力 偷得墻頭半夜開

第二十三籤

下

非是難尋一片心 汗牛充棟莫追尋  
因緣到底有明白 誰向林泉會賞音

第二十四籤

中

爭噪頭角在雞群 無奈薰蕕未肯分

桂子傳香纔有信 日邊姓字一朝聞

第二十五籤

下

上食槁壤下黃泉 雙鴈高飛兩處眠

江水兩流人不見 世情險阻甚山川

第二十六籤

中

戶二

六畜

情歡意合兩諧和 玉燭揚明薦瑞多

却喜門庭無盜路 一星在戶夕如何

第二十七籤

下

命蹇身迤正值秋 鬼神暗裏却相謀

風前月下逢花酒 只恐歡娛變作憂



第二十八籤

中下

管見終難奪化機

天工巧處未堪為

一場世事真棋局

東歸龍蛇任奮飛

第二十九籤

上中

涸魚頰尾仰清流

一線微生幾欲休

須待禹門三汲浪

明珠不向暗中投

第三十籤

上

冷暖炎涼厭世人

畫蛇斷鶴送天真

却令門戶無淹滯

筆下春回奪化鈞

第三十一籤

上

憂憾何須問是非  
但觀人事見天機  
人從坎處多如意  
一簇孤燈再焰輝

第三十二籤

下

崑山玉石未分明  
瓦釜盆中聒耳鳴  
小注大來時未泰  
休將百計苦經營

戶二

六十五

第三十三籤

下

甘苦從前幾曆嘗  
一生六度閱星霜  
憂心侶醉人間夢  
役役經營底事忙

第三十四籤

下

天上人間幾合離  
孤中獨立欲扶危

折支折足應難免

火自焚身尚不知

第三十五籤

中

俄然平地起風波

人事年來襍嗜多

准擬鹽梅歸大手

均平五味一調和

第三十六籤

上中

隔阻音書信尚違

春回草木未光輝

西山日落留殘照

更有行人天外歸

第三十七籤

中

水滿舟移等片時

孤歸未判易生疑

行人有意待明月

相見何須門紫芝

第三十八籤

中下

舉頭一片黑雲生

天際求名未得名

須扣黃鐘方大響

好風吹送上蓬瀛

第三十九籤

中

江水西流欲問舟

等來功績幾時休

傍人相對傳消息

一箭雲頭看此秋

第四十籤

下

求財求利意如何

西北風來問渡河

得價明珠姑少待

人生一夢到南柯

第四十一籤

下

幾枝紅紫鬪芳菲  
片片開花逐水飛  
鶯巢燕子寧無意  
休向人間說是非

第四十二籤

中

菊老秋衰萬物殘  
追尋舊恨與前懽

驪珠出海猶埋彩  
直指東門且掛冠

戶二

六六

第四十三籤

中下

入雲青鳥未飛還  
信在虛無縹緲間

日落秦樓三萬里  
白雲山外有青山

第四十四籤

中

一憂一喜兩相扶  
萬事臨頭噬欲圖

時日有如雞翼卵

行看末路有亨衢

第四十五籤

中

鼎新革故遇陽來

天際行人獲貴財

回首移公絕咫尺

務緣徒自莫疑猜

第四十六籤

中

利名機會遇三生

萬里鵬程掌上平

牛馬殊途猶不及

命如坎處且遲行

第四十七籤

下

出岫濃雲未得閒

淹今何日見青山

一蠶一觸空相敵

得惹虛名在世間

第四十八籤

世態如兒不可論

事窮勢極有歸根

下下

衣裳在笥先當慎

莫共神交與鬼言

第四十九籤

田家無歲不豐年

時變相將問老天

上吉

戶二

六七

玉燭陽明魚叶夢

秋來得價利千千

第五十籤

上上

江頭少立避風波

天意從人奈若何

直待禹門春浪暖

乘槎一直到天河

第五十一籤

下

人情依舊不如新  
五十年來又一旬  
是事總由心上斷  
道傍築舍不須論

第五十二籤

中下

孤燈剔盡未成眠  
拭淚含情在目前  
音信未逢人萬里  
朝來忽見鵲聲傳

第五十三籤

上吉

時和歲稔世平明  
此去鄉間轉泰亨  
神喜人歡終獲吉  
百年心事幾圓成

第五十四籤

下

貪財鑿石渾無玉  
用意淘沙未見金



爭奈謀為皆未遂  
更防川火與門心

第五十五籤

上上

南陽久卧草廬中

三顧翻然起蟄龍

天下蒼生霖雨望

果然造化比天功

第五十六籤

中

江湖久戀厭馳奔

走得芒鞋幾鞞穿

百鳥栖巢知故道

一輪月缺再團圓

第五十七籤

下

雨花多糶雪花飛

江上漁郎舉釣時

夜靜水寒魚不食

滿舡空載月明歸

第五十八籤

中

角弓澄影映金杯

此日推求喜見猜

一段狐疑情意解

沈痾痼疾自何來

第五十九籤

下

皎潔中秋月一輪

十分華彩照乾坤

戶二

六八

無端却被西來雨

一片光明化作昏

第六十籤

下下

人生那可遇良辰

好事多磨信有因

待兔守株難再得

空勞心力廢精神

第六十一籤

中上

風光和暢屬陽春  
積善之家天降福

革故由來復鼎新  
滿庭佳氣喜津津

第六十二籤

下

世態炎涼可奈何  
筭來萬事皆前定

東流西復易蹉跎  
計較奔波枉自勞

第六十三籤

中

林泉隱跡樂餘年

萬事悠悠總在天

門外有爭湏過了

運中財帛免憂煎

第六十四籤

中下

耕田鑿井隱山林

百事何勞苦用心

為勸世人休逐利  
貪名逐利個相侵  
注生堂感應靈籤

第一籤

上吉

夜來吉夢叶熊羆  
家慶克間立可期  
孔子釋氏親抱送  
定是天上石麒麟

戶二

六十九

第二籤

中平

莫言弄瓦不堪誇  
吉夢分明叶虺蛇  
異日結縗應貴顯  
沈香亭址一叢花

第三籤

中下

君家瓜瓞遠綿綿  
祚徹由來降自天

只恐臨盆生阻滯  
更須作福保安全

第四籤

下

風雨冥冥花倦開  
開花未久點蒼苔

何須更背宜男草  
凡事皆從前定來

第五籤

大吉

奕業流方世澤長  
雙飛玉燕叶休祥

日來貪聽啍啍泣  
早掛素弧射四方

第六籤

下

璋不統兮瓦不完  
更堪平地起波瀾

若非早扣神明力  
爭似孤舟渡險灘

第七籤

上上

一樹梧桐覆苑墻

枝頭鸞鳥驚已呈祥

這回得個超凡物

頭玉碾碾不可量

第八籤

也平

將信將疑事更遲

陰陽奇偶未能知

于今報爾分明道

近水芙蓉吐一皮

第九籤

上吉

六甲蹉跎期已至

晨昏當見充間氣

臨盆坐草兩知虞

三果犀錢須早備

第十籤

中下

石上栽蓮鞋結實 水中種菊怎開花

假饒求得神明力 夢裏分明見虺蛇

第十一籤

中平

春入園林雨露偏 海棠先吐一枝鮮

莫言空帶宜男草 此事悠悠總在天

戶二

丰

第十二籤

大吉

革故由來復鼎新 春風和氣喜津津

麒麟會掣黃金鎖 來作君家廊廟珍

第十三籤

下

造物憊尤自不堪 何須贅卜女和男

午前午後知消息

明月清風一擔擔

第十四籤

平

萬事悠悠屬大鈞

也須盥濯問神明

分明說與中秋夜

雲散瑤空月一輪

第十五籤

上上

玉燕分明飛入懷

凡情何必更疑猜

親明早辨金錢賀

好個文章冠世林

第十六籤

上中

鬱葱佳氣溢門庭

吉慶曾符太白星

異日分明生貴子

莫嫌寒舍又添丁



第十七籤

下

賦命由來有疾徐

何須計較實和虛

分明記得先賢語

緣本求魚不得魚

第十八籤

中平

碧桃紅杏鬪芳菲

丹桂何曾見一枝

戶二

七十一

吉事未來休指望

更煩寧耐待秋時

第十九籤

中

能將陰德積冥冥

玉樹芝蘭漸滿庭

繼繼承承茲有望

何須螺贏負螟蛉

第二十籤

下

片雲遮月夜冥冥  
花落寒風子不成  
烏鵲共栖仍共噪  
吉凶全未見分明

第二十一籤

中平

半來時運尚乖虞  
謾說龍駒與鳳雛  
欲問眼前休咎事  
更須作福默相扶

第二十二籤

中平

欲問胞胎事有因  
虺蛇已叶夢中頻  
他時會見魚軒貴  
非是尋常箕箒人

第二十三籤

中上

蘭桂芬芬異衆芳  
謝庭從此好風光

莫言結實成陰晚  
造物安排不在忙

第二十四籤

下

不事耕鋤獨守株  
守株待兔兔偏無

笑他貪看中秋月  
失却盤中照乘珠

第二十五籤

中

果木逢春已發萌  
更資雨露遂生成

枝頭佳實還君採  
莫被風吹着一驚

第二十六籤

上吉

彩鳳生雖日載陽  
羽毛漸次備文章

筭來此事非容易  
應是君家世澤長

第二十七籤

中

笑他連日喜非常

弄瓦由來說弄璋

但得初生如達易

下筭上簞不驚惶

第二十八籤

中上

積善之家慶有餘

果然入海得明珠

戶二

七十三

但將好事多修阻

力向神天作福扶

第二十九籤

中下

昨夢紅花插滿身

今朝到此不休真

分明為決狐疑意

在蓍由來帚畔人

第三十籤

下下

晨昏何必太懸懸  
只合悠悠信自然  
入海求珠珠未得  
更防川火石皮連

第三十一籤

上吉

冥冥陰德默相扶  
行盡崎嶇見坦途  
不久須招田下力  
早懸蓬矢與棠弧

第三十二籤

中下

一輪明月照深閨  
欲叶熊羆夢轉迷  
莫嘆所求非所願  
更須陰力暗提携

第三十三籤

上中

時若來多事有緣  
焚香何必問神天

神天自合從人願  
早晚能招力上田

第三十四籤  
下下

力穡辛勤望有秋  
懸知萬稗滿田疇

從今莫倦頻看管  
作耗仍防二尾牛

第三十五籤  
上中

戶二

採山果得連城璞  
入水能探照乘珠

七十三

玉菓青錢須早備  
鬱葱佳慶已充間

第三十六籤  
中上

運去真金皆失色  
時來鐵樹也生花

于今漸得重重喜  
不似從前空怨嗟

第三十七籤

中下

三十年来運未通

勞心勞力搃無功

等閑一日遊南海

拾得明珠在掌中

第三十八籤

中平

向人嚙嚼莫能言

口裏銜飴尚未吞

吉事悠悠那可必

幾回清曉與黃昏

第三十九籤

下下

三虫食血事多端

陰害相侵未得安

縱使開花能結實

他時採摘不堪餐

第四十籤

中中

陽鳥展翅正南離

這事分明不用疑

投燕懸鈴雙應瑞

也須祈禱保憂危

第四十一籤

中中

嗣續悠悠君莫猜

生來造物早安排

眼前欲識別柔理

昨夜陰精飛入懷

第四十二籤

中上

有意栽花花不發

寺閑插柳柳成陰

于今剩得東風力

插柳栽花兩稱心

第四十三籤

上中

君家華胃已遥遥

鳳子龍駒信可招



眼下欲明遲速意  
不過兩日與三朝

第四十四籤  
中下

東君取次布陽和  
景物芳菲入興多

須要明神求保庇  
免交平地起風波

第四十五籤  
中平

戶二  
七占

下筮上簞睡朦朧  
夢裏分明蛇作龍

此地必然生貴女  
魚軒大侈淑人封

第四十六籤  
上中

古來陰極復生陽  
君子于今喜道長

夢斷黃龜吟未就  
已聞在蓍泣惶惶

第四十七籤

上吉

此地由來地澤臨  
臨時萬事稱人心

幾年想像熊羆夢  
此日披沙剩得金

第四十八籤

大吉

好事分明在眼前  
安排玉菓與犀錢

過門誰敢題九鳥  
頭角磽磽信可憐

第四十九籤

中下

消息微茫未有期  
却來此處卜狐疑

分明不是東林桂  
月照茶蘼花一枝

第五十籤

下上

日出三竿春霧收  
青山漠漠水悠悠  
漁郎莫道無魚覓  
此處無魚別下鈎

第五十二籤

上中

梨實分明見赤蛇  
神靈降瑞到君家  
他肯頭玉硤硤長  
裕後光前勝可誇

戶二

七十五

第五十三籤

上上

荏苒春光尚未過  
陰陽交感氣融和  
堂前湯餅多佳客  
爭獻徐卿二子歌

第五十四籤

下

淘沙渾未見黃金  
爭奈謀為不稱心

去去好求陰力助  
石皮川火恐相侵

第五十五籤

中上

累茵列鼎居華屋  
不如子萬事足

最好崑山一片玉  
到頭但看祖宗福

第五十六籤

下中

心下遲疑喜又驚  
一場好事未分明

後園桃李將成實  
只恐風吹結不成

第五十七籤

下下

長江一望遠悠悠  
蘆荻蕭蕭兩听秋

夜半水寒魚不食  
漁郎空自下金鈎

第五十八籤

中中

朝來乾鳥噪前楹

報道堦前玉樹生

更賴陰功相護佑

免教坐蓐喜還驚

第五十九籤

上吉

作善由來降百祥

滿堂懽笑弄圭璋

明朝更有堪誇處

樹穴探環知姓羊

第六十籤

上中

事在心頭君自知

祖宗陰騭暗相隨

鳩巢聞說生佳鷄

虎穴寧無產豹兒

第六十一籤

中下

途路崎嶇未坦平

濛濛煙雨晦前程

為言速走多顛躓

何似優游緩步行

第六十二籤

下

焚香叩齒告神天

何事孳孳種福田

眼下所求能遂意

果然火裏出紅蓮

戶二

十六

第六十三籤

下下

簾幃高捲迓陽春

爭奈陽春未屬人

石上栽蓮空望藕

枉勞心力枉勞神

第六十四籤

中平

庭外逢春掃綠苔

好將莢李及時栽

東君若果從人願  
到底還他一度開

徐仙真錄卷之二



